

Biakam hnatlaknak (contract)

Na phaisa tuahtoning ttialnak

Biakam hnatlaknak hi zeidah a si?

Biakam hnatlaknak cu upadi ningin tuahmi hnatlaknak a si. Hnatlaknak cu minung pahnih asilole minung tamdeuh karlak ah tuahmi biahrennak a si.

Minthutnak in siseh, ka tuah ko lai tiah kaa in chimnak in siseh asilole website chung fawm pakhat kha a zah in zahnak in siseh biakam hnatlaknak cu tuah khawh a si.

Biakam hnatlaknak minthutnak

Biakam hnatlaknak kha minthutnak in na hnatlaknak na langhter. Cu biakam hnatlaknak ca chung i na min na ttial khi a si (minthut)

Kaa in chimmi biakam hnatlaknak

Hi hi cawk ka duh asilole hihi tuah ka duh tiah bia in na chim tikah kaa in biakam hnatlaknak tuahmi na hna a tla. 'Asi' asilole 'Ka hna a tla' ti pawl khi an si. Mei asilole mobile fawn tibantuk na lak i minung pakhatkhat he nan i chonh ah khin kaa in biakam hnatlaknak cu na tuah tawn. A hmun ah va kal asilole fawn zongin tuah khawh a si.

Hnatlaknak tuahmi hi zeidah a si?

Hnatlaknak cu minung pahnih asilole a tamdeuh karlak, i theihthiamnak a si. Cucu biakam hnatlaknak a si lo. Abiana ah, na hawi pakhat khi mawttawn in kan kalpi lai tiah bia na kamh, cucu hnatlaknak tuah mi a si. Upadi ningin tuahmi a si lo.

Na hngalh fian lomi biakam hnatlaknak kha min va thu hlah.

Biakam hnatlaknak na tuah hlanah zeizongte na hngalh hmasa dih a hau. Abiapi ngaingai mi biakam hnatlaknak min na thut a herh mi a um kho men. Abiana ah inn hlannak le ngunruuk i tuahnak caah. Zumhtlak a si mi minung sinin bawmhnak hal zokzok ding a si kha philh hlah.

Hngalh Peng

- ▶ Biakam hnatlaknak cu upadi ningin tuahmi hnatlaknak a si.
- ▶ Na hngalh fian lomi biakam hnatlaknak zeibantuk hmanh kha min ve thu hlah.
- ▶ Biakam hnatlaknak cheukhat cu na lung na thlen ruangah let khawh an si lo.



Thil pakhat khat kha hnatlaknak na tuah hlanah fiang tein na hngalh kha a biapi

Hayat cu a innka an kingh i a hai chawnh tikah thilzuar pa nih leidip dawpnak seh cawknak kong rang taktak in a vun chimh. Hayat nih thilzuar pa cu inn chungah a lutter.

Thilzuar pa nih cun leidip dawpnak a tthatnak kha a chimh i biakam hnatlaknak ca kha a pek. Thilzuar pa nih cun leidip dawpnak seh hi cawk na duh ahcun biakam hnatlaknak ca hi min na thut a hau tiah Hayat cu a ti.

Hayat nih bia a hal ngam lo zeica tiah thilzuartu pa kha a holh a rang cun an nih caah Mirang holh hi holhthar a si. Hi biakam hnatlaknak hi min ka thut hlanah ka fian naklai bawmhnak ka herh tiah a leh.

A chung um mi pawl hi zeian si ka hngalh fian nak lai caan lak ka herh caah biakam hnatlaknak ca hi ka chiah ta tiah a hal.

Hayat nih a hawi Miranda kha bawmh a hal. Mirandah nih Hayat cu manlo upadi lei mipi bawmtu zung i rian a ttuanmi pakhat khat va ton dingah a kalpi.

Cuka i rian a ttuanmi nihcun Hayat cu leidip dawpnak seh hi a man a faktuk cu caah bawmh lo tein Hayat nih hi biakam hnatlaknak minthut loin a rak um hi a tthatuk tiah a ti. Rianttuantu nihcun, na zumhmi minung pakhat sinin bawmhnak na hal zungzal dingah a biapi tuk tiah Hayat cu a ti.



A tamdeuh hngalhnak caah

Phaisa cawinak biakam hnatlaknak kong tamdeuh hngalh na duh ahcun MoneySmart website, www.moneysmart.gov.au, ah hin zoh asilole 1300 300 630 fawn chawn hna.

Gas, mei asilole fawn ca biakam hnatlaknak kongah buaibainak na ngeih ahcun an kampani kha chawn hna.

Phungning tein chawlehnak zung pawl (Offices of fair trading)

Inn kip thilzuar, mawttaw, mobile fawn asilole inn hlannak biakam hnatlaknak kongah buaibainak na ngeih ahcun nanmah ramkulh asilole ramtthen chungah a um mi Offices of fair trading kha bawmh hal hna.

Na umnak ramkulh asilole ramtthen ah a um mi Offices of fair trading zung hngalh na duh ahcun www.consumerlaw.gov.au ah hin zoh.

Upadi lei mipi bawmhnak zung pawl (Community legal centres)

Biakam hnatlaknak kongah upadi lei buaibainak na ngeih ahcun manlo upadi lei mipi bawmhnak zung kha chawn hna. Community legal centres pawl cu mah tein a dirmi, mibu nih sermi bu, upadi lei in zatlang mi bawmtu a si. National Association of Community Legal Centres, www.naclc.org.au, cu Australia ah a um mi ramkulh le ramtthen nih a ngeihmi upadi lei mipi bawmhnak zung an si. Nangmah he aa naibik ah a um mi upadi lei mipi bawmhnak zung hngalh na duh ahcun www.naclc.org.au/directory ah hin zoh.

Lamhla pehtlaihnik ah hman mi thilri lei ngiathlaitu (Telecommunications Industry Ombudsman)

Na fawn asilole internet ca biakam hnatlaknak kongah buaibainak na ngeih asilole cubantuk kampani he buaibainak na ngeih ahcun Telecommunications Industry Ombudsman's website, www.tio.com.au, ah hin zoh asilole 1800 062 058 ah hin chawn hna. Inn fawn in chawnhah a man a um lo.